

南
潯
鎮
志

節烈

汪曰楨撰

南潯鎮志十八

元

張二孀

宋季南潯人嫁吳江十都陳熙載孝事舅姑和睦

可奪久之乃立夫姪文煥為子教養如已出逮至成立而張年已八十餘矣元貞初震澤巡檢王守讓震澤鎮學教諭賈復為上其事大德二年始旌其門閭○按潯女可攻者無幾舊志或載或否今一例載人不復分析後仿此

明

蔣氏

董儒繼妻嘉靖時孀居苦節

朱氏

生員范某妻朱經女少師國禎之姑也歸范甫週嘉

靖癸亥年二十一夫卒慟絕乃集內外戚屬請後于舅姑孤立中絕復遭舅姑之喪遷徙流離半畝之宮不蔽風雨鄉人式其門曰斯非范節婦居耶何不幸如是

國禎初貴以父喪歸氏謂之曰若將以貴重耶縻聞布衣之士賢于肉食者多矣子之父是也其毋忘父之所欲為者國禎唯唯曰謹受教守節三十四年卒國禎誄其行劉宗周為撰傳萬曆二十七年旌表祀府學節孝祠

吳氏

沈之塗妻嘉靖丙寅之塗溺死氏年十九撫嗣子汝者貸金十醫妻以償氏聞亟還金贖之盜入室氏厲聲曰我沈門老寡婦刀不去手犯即自刺盜駭愕散去人服其膽識祀府學節孝祠

徐氏

生員紀有經妻萬曆癸酉年二十七夫亡無子唯撫一女即紀貞女也守節十餘年卒

陳氏

董俊妻萬曆時縣旌貞節

蔣氏

生員莊日強妻年二十八夫亡遺孤甫三歲家貧父值歲饑晨昏紡績僅餉其子而身甘窮餒迨日強弟

日宣貴欲請表其節氏不欲以節自顯力止之祀府學節孝祠

龔氏

董仁妻夫故矢節縣給扁旌祀府學節孝祠

吳氏

紀有微妻萬厯丙子年二十四夫亡子象衡甫生兩月撫育成立姑臥病數載調攝侍奉始終不怠守節

二十四年

張氏

王某繼妻王贊匡之高祖母也婚十八日夫亡撫前

李氏

進士董嗣昭妻嘉興王店李原中女萬厯乙未年十八夫亡守志善事孀姑約束內外歲戊申大祿捐穀帛以賑鄉里設義田以贍宗族天啓六年撫按贈給旌扁粟帛疏請建坊崇禎五年卒朱國禎撰傳祀府學節孝祠。按范志列女誤作朱氏坊表仍作李氏不誤

茅氏

附監生董嗣暉妻歸安花林茅國縉女萬厯丙午嗣

暉卒方病劇時氏刲臂肉和藥以進卒弗效侍孀姑長齋禮佛以終其身守節十五年卒年三十三嗣暉弟

吳氏

華梅巖妻吳江震澤鎮吳少堂女萬厯戊申夫亡撫孤守節

沈氏

朱緯妻給事中沈之唸女少師國禎之子婦也夫有

國禎亟稱之

費氏

華仁泳妻費兆元女年二十七夫亡撫孤守節十餘

已上前代節婦

紀氏

金來聘聘妻生員紀有經女未嫁夫亡聞計欲奔喪

來聘嗣氏以立異姓非禮堅執不從乃立夫兄孫紹祿

為夫後編服茹齋十年而卒有二婢偕主母苦守主母

歿二婢不嫁隨歿萬曆二十七年請旌建坊私謚貞愍

朱國順撰碑記盧舜治董斯張丁元薦並為作傳吳秀

有敘吳震有諫祀府學節孝祠

已上前代貞女

蔣氏

蔣衡陽女許字未婚夫亡矢志甘貧苦節

蕭氏

敘授張洪妻嘉靖丙午夫婦同殉節于寧波官署旌表詳人物張洪傳祀府學節孝祠

陳氏

張洪妾與嫡妻蕭氏同殉節旌表祀府學節孝祠

王氏

廕生朱鎔如妻以哭夫斷腸死詳人物朱國禎傳祀府學節孝祠

已上前代烈婦

大清

顧氏

明副榜董廷勛繼妻歸安瑤莊顧爾祿女崇禎壬申年二十七夫亡守節二十四年事姑盡孝撫孤漢策

成立教以義方氏有傳家序一篇自述甚悉順治十三年題旌胡襄撰傳○按府志作康熙間旌謫

潘氏

紀懋才妻崇禎辛巳年二十九夫亡撫孤守節二十九年康熙乙巳仲子錫卒與仲媳陸氏撫孫陸氏夫

亡時年三十一守節二十八年學政顏光敏給雙節濟美扁額康熙中題旌○按潘氏董志范志並作吳氏

今從紀氏譜

倪氏

生員邢恩妻夫亡守節康熙二十四年

題旌

費氏

董冠麟妻年二十八夫亡守節四十年康熙五十九年

題旌

嚴氏

丁熊占妻夫亡守節康熙時

題旌

楊氏

監生丁璽妻夫亡守節康熙時

題旌

陳氏

張全雯妻年十九夫亡教遺腹子成立守節四十年

題旌

○按府志作潘全雯謫

孫氏

陳雪川妻年二十二夫亡守節三十年雍正八年

題旌

嚴氏

董村妻驥村嚴爾斯女康熙庚戌年十九夫亡立姪

為嗣又天氏葬舅姑與夫心力交瘁苦節六十七年

雍正九年

題旌

張氏

朱玠妻年二十四夫亡孀姑在堂上有祖翁兩世孝

養生承歡死盡禮撫前妻子如已出守節二十六年

雍正十一年

題旌

龔氏

監生董稚圭妻郡城龔堂女康熙壬申年二十六夫
亡立姪為嗣守節四十七年雍正十三年題旌

陸氏

陸廣女適震澤吳淩監生馬維熊年二十二夫亡撫
孤守節乾隆二年題旌

陳氏

生員閔啓襄妻監生陳永洵女康熙癸未年二十五
夫亡守節四十年乾隆三年題旌

董氏

張種玉妻年二十夫亡撫孤子鳴鉤娶婦後鳴鉤又
夭苦節四十六年乾隆三年題旌

金氏

張鳴鉤妻年二十五夫亡苦節二十七年乾隆四年
題旌

施氏

徐宏進妻年二十二夫亡守節四十六年乾隆八年
題旌

徐氏

生員華鳳繼妻年二十六夫亡守節四十三年乾隆
八年題旌學政陳其凝給節茂寒松扁額

董氏

張燿妻年二十四夫亡守節三十一年乾隆八年
題旌

王氏

董信燿妻太倉王滋慶女康熙庚辰年二十一夫亡
敬奉翁姑撫嗣子成立守節五十七年知縣羅係給

雪磨玉節扁額乾隆九年題旌

孔氏 監生夏祖勤妻名繼光字德隱自號范湖散人能詩
年二十八夫亡撫孤守節三十六年學政李宗文給
扁額乾隆三十一年 題旌

陳氏 潘文炳妻夫亡守節乾隆四十六年 題旌

胡氏 監生朱光煥妻年二十一夫亡撫孤守節五十七年
與光煥從弟光炳妻程氏稱一門雙節乾隆四十八

年 題旌○按潯溪紀事詩注作朱光煥范志作吳氏
並謫今從事實冊

程氏 朱光炳妻年二十七夫亡無子事翁姑生養死葬盡
禮乾隆四十八年 題旌

龐氏 邱文元妻夫亡守節乾隆四十九年 題旌

秦氏 紀友松繼妻雍正戊申年二十五夫亡守節五十八
年乾隆四十九年 題旌

范氏 監生金熙載妻年二十七夫亡立姪爲嗣守節五十
一年乾隆五十年 題旌

周氏 陳文元妻夫亡守節乾隆五十年 題旌

嚴氏

監生董耀妻驢村嚴祖倫女雍正乙巳年二十六夫
亡守節五十二年乾隆五十二年 題旌○按事實
冊作董經遠卽耀之字

陳氏

沈斗南妻年二十四夫亡孝事舅姑撫孤守節七十
一年當八十歲時病劇夢父母授以鮮桃二枚食之
甘芳遂愈又十餘年無疾而終乾隆五十二年 題旌

溫氏

監生潘祖德妻監生溫省方女年二十六夫亡撫五
歲子晉鼎成立娶婦子又卒孤孫亦殤立姪孫爲嗣
助媳閔氏守節者又十餘載卒年六十六乾隆五十三
年 題旌○按南潯備志作潘世德今從事實冊及董
志又采訪冊作潘振聲卽祖德之字

茅氏

監生金士楨妻士楨卒時氏年二十五守節六十六
年乾隆五十三年 題旌

宋氏

金璞妻璞卒守節撫孤世杰成立乾隆五十三年
題旌

顧氏

沈甫民妻夫亡撫嗣子守節嘉慶二年 題旌

毛氏

王得懋妻夫亡撫孤守節嘉慶二年 題旌

李氏

方家港戴永南妻夫亡撫孤守節嘉慶二年 題旌

蔣氏

朱位南妻夫亡守節嘉慶三年 題旌

朱氏

嚴楚臣繼妻夫亡撫孤守節嘉慶四年 題旌

閔氏

監生蔣士鈞繼妻乾隆庚申年二十六夫亡撫嗣孫及曾孫成立守節六十二年嘉慶六年 題旌○按

范志作蔣士鑑今從事實冊

施氏

監生談漢妻乾隆辛卯年二十四夫亡事姑撫孤苦節二十八年嘉慶六年 題旌

湯氏

監生劉璵繼妻夫亡撫孤守節嘉慶六年 題旌

尤氏

吳彥章妻乾隆庚寅年二十八夫亡撫孤守節五十年嘉慶十年 題旌○按舊志作吳漢光卽彥章

之字

陸氏 潘志愈妻夫亡守節十八年嘉慶十五年 題旌

周氏 蔣懷忠妻夫亡撫孤守節嘉慶十六年 題旌

許氏 錢人璫妻夫亡撫嗣子守節嘉慶十七年 題旌

丁氏 閔天恆妻夫亡撫孤永錫成立娶婦後永錫又夭與子婦周氏稱一門雙節嘉慶十七年 題旌

周氏 閔永錫妻夫亡撫孤守節嘉慶十七年 題旌

沈氏 董上塙妻年二十七上塙卒撫孤守節六十四年嘉慶十七年 題旌

莊氏 李漢峯妻夫亡撫孤守節嘉慶十七年 題旌

徐氏 沈堪繼妻夫亡撫孤守節嘉慶十八年 題旌

潘氏 倪應寬妻夫亡撫孤守節嘉慶十八年 題旌

姚氏 生員吳奎勳妻監生姚星炫女成婚次日夫病革卽卒立姪爲嗣苦節四十餘年嘉慶十九年 題旌

沈氏 王鳳洲妻夫亡撫孤守節嘉慶二十年 題旌

陸氏 生員黃縉雲妻乾隆丁丑年二十九夫亡撫姪為嗣
孝養翁姑守節六十年嘉慶二十一年 題旌

張氏 沈潮妻夫亡撫嗣子守節嘉慶二十一年 題旌

程氏 從四子李世華妻臣廷揚女早寡孝事舅姑撫孤子
成光成龍娶蔣氏以殉夫投水死學政汪廷珍

題旌

丁氏 董九如妻夫亡守節嘉慶二十二年 題旌

吳氏 監生王思芹妻夫亡撫孤子珍守節與思荃妻朱氏
珍妻董氏稱三節嘉慶二十三年 題旌

朱氏 王思荃妻夫亡撫嗣子守節嘉慶二十三年 題旌

董氏 王珍妻夫亡撫孤守節嘉慶二十三年 題旌

黃氏 施元標妻年二十九夫亡撫孤守節四十七年嘉慶
二十四年 題旌

陳氏

蔣起駿妻婚未三月夫亡撫嗣子守節嘉慶二十四

蔣氏

生員施溶妻夫亡守節六十年嘉慶時題旌

陸氏

監生沈耕南妻夫亡撫孤守節道光元年題旌

楊氏

徐振芳妻夫亡守節道光元年題旌

吳氏

監生董銓妻年二十八夫亡撫孤守節三十五年道光元年題旌○按范志作董廷鑑即銓之字

溫氏

朱兆傑妻夫亡守節道光元年題旌

黃氏

沈師韓妻夫亡撫嗣子守節道光元年題旌

金氏

增生董肇錡妾年二十五肇錡卒撫孤守節四十四年道光元年題旌○按事實冊作董肇錡今從董

氏譜

沈氏

生員張八柱妻生員沈鵬飛女年二十四夫亡撫孤守節二十餘年學政王亦恭給節勵松筠扁額道光二

年題旌。按范志作張八桂謬

莊氏

監生田自明妻夫亡守節五十年與嗣子聘三之婦

朱氏

監生田聘三妻夫亡撫孤守節四十餘年道光二年題旌

姚氏

董傳孫妻夫亡守節道光三年題旌

費氏

夏萬清妻夫亡撫嗣子守節道光三年題旌

皇甫氏

錢瑞明妻夫亡守節道光四年題旌

吳氏

李爾梅妻夫亡守節撫孤汝連成立與子婦盛氏稱

盛氏

李汝連妻夫亡撫孤守節道光六年題旌

陸氏

貢生金維元妻嘉興進士陸昌祖女年二十二夫亡撫孤守節五十三年道光六年題旌

虞氏

周觀天妻夫亡撫孤守節道光六年題旌

董氏

張文潮妻董延梧女年二十五夫亡守節撫姪為嗣
道光六年題旌

董氏

吳絢滄妻董上墉女年二十八夫亡撫孤成立孤又
早亡與媳苦守三十三年道光六年題旌

金氏

朱禧承妻夫亡撫孤守節道光六年題旌

金氏

董虔鉞妾乾隆甲辰虔鉞卒氏年二十五守節四十
四年道光七年題旌

董氏

張天珍妻夫亡撫嗣子守節道光七年題旌

蔣氏

王雲程繼妻夫亡守節道光八年題旌

李氏

監生蔣閭妻夫亡撫孤守節道光八年題旌

徐氏

生員紀沂春妻知縣徐繩玉女嘉慶庚申年三十夫
亡守節三十餘年道光九年題旌

嚴氏

徐錫儀妻夫亡撫嗣子守節道光九年題旌

陶氏

生員徐鸞妻夫亡撫嗣子守節道光九年題旌

紀氏

生員董麟達繼妻教諭紀豹文女夫亡撫嗣子守節
道光九年 題旌

張氏

沈士龍妻夫亡撫孤守節道光九年 題旌

曹氏

監生紀再思妻乾隆戊辰再思亡氏年二十六撫孤
守節四十七年道光十年 題旌

徐氏

錢樹榮妻夫亡撫嗣子守節道光十年 題旌

周氏

諸均元妻夫亡撫孤守節道光十年 題旌

董氏

附監生董肇鑽女適歸安生員戴璈年二十五夫亡
撫姪銓為嗣守節四十五年道光十年 題旌孫變

撰傳

董氏

徐德修妻夫亡撫孤守節道光十年 題旌

溫氏

監生歸令耕妻年二十二夫亡撫孤守節五十一年
道光十年 題旌

李氏

紀言妻武舉人李東白女康熙戊寅年二十二夫亡
立姪為嗣守節五十六年與言弟曾藩妻溫氏稱一

門雙節道光十一年 題旌

溫氏

紀曾藩妻溫庭柏女康熙己丑年二十二夫亡撫嗣子苦節三十五年道光十一年 題旌。按范志兩

見複謫

王氏

楊師穎妻吳縣監生王棟女年二十六夫亡撫孤守節二十三年道光十一年 題旌。按事實冊作楊希穎今從采訪冊

吳氏

郁載興妻嘉慶甲子年二十夫亡無子以針黹所積營葬舅姑及夫苦節五十三年道光十一年 題旌。按事實冊作郁再興今從采訪冊

郁氏

崔誠愨妻夫亡撫孤守節道光十一年 題旌

沈氏

金冠三妻夫亡撫嗣子守節道光十一年 題旌

金氏

邱大萊妻年二十五夫亡撫孤守節二十六年道光十二年 題旌

屠氏

監生王恕妻夫亡撫嗣子守節道光十三年 題旌

沈氏

朱學淇妻夫亡撫嗣子守節道光十三年 題旌

朱氏

歸安廩生溫晉妻生員朱青蓮女嘉慶己巳氏年三十夫亡守節四十五年道光十四年 題旌

徐氏

名莖字湘生適歸安武生莘開能詩善畫早寡守節以畫自給壽至九十餘道光中 題旌

黃氏

陸輔周妻夫亡撫孤守節道光十五年 題旌

顧氏

梁潤元妻夫亡撫孤守節道光十五年 題旌

崔氏

薄慶曾妻崔繼光女乾隆辛亥年十八成婚未及半載夫亡撫嗣子守節四十六年道光十六年 題旌

○按采訪冊作薄慶臻今從事實冊

汪氏

縣丞金辰妻主事汪尚仁女嘉慶乙丑年二十八夫亡撫孤守節三十八年道光十六年 題旌

方氏

沈元星妾元星卒撫嗣子守節道光十六年 題旌

溫氏

監生張觀國繼妻知縣溫鶴立女夫亡撫孤守節四

馬氏

監生張蒙亨妻震澤監生馬雲開女夫亡撫孤守節

古今從采訪冊

宋氏

談陸巖妻夫亡撫嗣子守節道光十七年 題旌

楊氏

吳聖壽妻夫亡守節道光十七年 題旌

陸氏

拜三圩潘文鶴妻夫亡守節道光十七年 題旌

紀氏

生員紀峻女適馬要張鳳池年二十二夫亡無子撫

養孀姑喪葬盡禮外侮疊至氏每藏短刀於枕傍以自衛數十年如一日現存年七十一道光十八年 題旌

蔣氏

董暢庵妾年二十八暢庵卒撫孤嫁女守節五十八

汪氏

董可門妻夫亡撫孤守節五十餘年道光十九年

吳氏

董虞延妻吳廷玉女乾隆丁未年二十九夫亡守節五十餘年道光十九年題旌。按事實冊作董儀

廷今從董氏譜

周氏

林光宸妻監生周潤女成婚年餘嘉慶丁卯年十九夫亡撫孤守節四十五年道光十九年題旌

宋氏

程銓妻夫亡撫孤守節道光十九年題旌

朱氏

沈萬奇妻夫亡撫孤守節道光十九年題旌

莊氏

沈汝霖妻震澤莊廷標女乾隆己酉年二十九夫亡守節三十九年道光二十年題旌

迨氏

紀延榜妻夫亡守節道光二十年題旌

陸氏

監生姚書鑑妻陸廷標女嘉慶癸亥年二十九夫亡撫孤守節三十八年道光二十年題旌

謝氏

吳鼎鏞妻夫亡撫嗣子守節三十八年道光二十年題旌

朱氏

蔣履豐妻朱晉庭女嘉慶戊辰年二十五夫亡撫孤守節現存年七十五道光二十年題旌

童氏

田敬恆妻郡城武生童立三女夫亡撫孤守節三十餘年道光二十年題旌

張氏

沈舫洲妾舫洲卒守節道光二十年題旌

紀氏

監生吳諄妻夫亡撫孤守節道光二十年題旌

張氏

溫錫圭妻震澤吳淞監生張屹瞻女嘉慶戊辰年二十夫亡撫姪為嗣現存年七十七道光二十年題旌○按事實冊作溫錫桂今從采訪冊

沈氏

裴莊丁家港丁起堂妻馬家港沈中復女年二十九夫亡立姪為嗣守節三十六年道光二十年與族孫源妻沈氏並題旌孫燮煥雙節坊記

沈氏

生員丁源妻監生沈鍾璜長女年二十七夫亡撫孤守節三十三年道光二十年題旌

倪氏

生員邢大經妻夫亡撫孤守節與大綸妻許氏稱妯娌雙節道光二十年題旌

錢氏

陸堡妻年二十六夫亡守節五十二年道光二十年題旌

許氏

邢大綸妻夫亡撫孤守節道光二十年

題旌

朱氏

沈楷繼妻夫亡撫孤守節道光二十年

題旌

張氏

王連妻夫亡撫嗣子守節道光二十年

題旌

孫氏

施體元妻夫亡撫孤守節道光二十一年

題旌

韓氏

沈森木妻夫亡撫孤守節道光二十一年

題旌

閔氏

吳若星妻乾隆庚子年二十夫亡撫嗣子守節四十五年

道光二十一年 題旌

謝氏

沈大川妻夫亡撫孤守節道光二十一年

題旌

盧氏

紀順之妻年二十八夫亡撫孤守節三十五年

道光二十一年

題旌

○按采訪冊作紀順今從事實冊

林氏

顧朗廷妻夫亡撫孤守節與子宗禮婦姚氏稱姑婦

雙節道光二十一年

題旌

姚氏

顧宗禮妻夫亡撫嗣子守節道光二十一年

題旌

麥氏

陸奎妻婚未期年夫亡守節十二年卒與坤妻張氏稱妯娌雙節道光二十一年題旌○按事實冊作

陸西寰即奎之字

張氏

陸坤妻監生張宗驥女夫亡守節道光二十一年題旌○按事實冊作陸承天即坤之字

謝氏

沈貞吉妻謝聖祥女嘉慶壬申年二十八夫亡守節三十九年道光二十二年題旌

毛氏

李世熹妻夫亡撫孤守節二十五年道光二十二年題旌

陸氏

監生唐鳴謙妻夫亡撫孤守節道光二十三年題旌

王氏

姚錦尚妻年二十三夫亡撫嗣子守節三十二年道光二十三年題旌

褚氏

姚勝昌妻夫亡撫孤守節三十七年道光二十三年題旌

尚氏

監生姚泰交妻本蘇州人泰交以無子納之嫡妻褚氏御之過嚴氏無怨色嘉慶壬戌氏年二十八泰交

卒撫所生五歲子成立事褚尤謹守節三十一年道光二十三年題旌丁桂撰傳

羅氏

尹景元妻羅象峯女嘉慶庚申年二十八夫亡撫嗣子守節四十五年道光二十四年題旌

周氏

蔣殿章妻乾隆丁巳年二十四夫亡無子立姪孫維鏞為嗣現存年八十五歲道光二十五年題旌

潘氏

裴莊丁家港丁大奎妻樓下村農家女十歲為養媳及長成婚年二十八夫亡子鳴鶴生未百日乞食鄉

間或為人紡績有勸改嫁者必痛斥之子稍長為人傭耕乃不復乞食以貧不能娶婦氏常以此為恨苦節四十一

年道光二十五年題旌丁桂熙傳

董氏

從九品吳步韓妻董兆泰女年二十六夫亡撫二子成立守節十九年卒道光二十五年題旌

謝氏

吳春元妻謝其祥女年二十一夫亡事姑盡孝撫姪為嗣守節三十二年道光二十五年題旌

胡氏

監生桂鶴元妻胡士貴女年二十九夫亡事舅姑撫三子成立咸豐丙辰病卒平時異香滿室守節五十

年道光二十七年題旌

吳氏

沈健行繼妻增生吳鵬女嘉慶辛未年二十九夫亡撫孤守節三十八年道光二十九年題旌○按范

志有吳鵬妾韓氏年二十六守節七年卒今以年例未符姑附載于此

陳氏

桂壽珊妻年二十九夫亡撫孤守節三十六年道光

徐氏

吳效留妻嘉慶庚辰年二十七夫亡撫孤守節現存

吳氏

莊肇啓妻年二十七夫亡事翁盡孝無子撫叔翁子如妣道光三十年題旌

孫氏

王受五妻歸安菱湖孫樹馨女嘉慶己未年二十二夫亡遺腹生子又殤苦節現存年八十一道光三十

年題旌

陳氏

丁敏求妻夫病三年紡織以養年二十三夫亡撫孤苦節五十年道光三十年題旌

費氏

監生沈珮玉妻嘉慶戊辰年二十四夫亡守節現存年七十四道光三十年題旌

朱氏

曹敬修妻年二十七夫亡守節四十七年道光三十

年題旌

董氏

麗青鶴妻監生董正治女夫亡守節道光三十年
題旌

溫氏

桂長泰妻夫亡守節道光三十年
題旌

宋氏

紀能仁妻夫亡守節道光三十年
題旌

金氏

張其昌妻嘉慶壬申年二十三夫亡無子苦節母族
諷以再嫁矢志不從有無賴子夜叩其門誑以母病

垂危氏不為動至天明始啓戶其詐遂敗現存年六十
九道光三十年
題旌

溫氏

紀文鴻妻夫亡守節道光三十年
題旌

沈氏

溫文郁妻沈鳴珂女道光壬午年二十三夫亡撫嗣
子守節現存年五十九道光三十年
題旌

閔氏

監生金鴻達妻道光乙酉年二十六夫亡撫孤守節
現存年五十九道光三十年
題旌

金氏

監生金福瀾女適郡城李重熙道光乙酉年二十五
夫亡子亦殤歸于母家苦節三十年道光三十年

題旌○按事實冊誤以重熙為潯人又父福瀾誤壽山
母歸氏誤何氏年二十五誤二十九今從采訪冊

吳氏

桂萬青妻年二十一夫亡無子苦節二十九年道光

邱氏

徐璋妻道光庚寅年三十歲夫亡守節二十一年學

龐氏

陸鈞妻現存年六十一道光三十年題旌○按事

張氏

監生蔣宗衍妻夫亡撫嗣子守節咸豐元年題旌

袁氏

沈申通妻袁沂女道光壬午年二十八夫亡撫嗣子

閔氏

生員黃思妻閔隆基女道光庚寅年二十九夫亡撫

金氏

烏盆兜李調元妻監生金振揚女乾隆甲申年十九

氏稱一門雙節咸豐三年題旌

嚴氏

監生吳光緯妻教諭嚴兆元女道光乙酉年二十一

吳氏

李吉堂妻吳電安女乾隆丙午年十七夫亡撫孤守節六十五年咸豐三年題旌

于氏

陸樹聲妻于文光女道光壬午氏年三十夫亡孝事舅姑撫孤守節現存年六十六咸豐三年題旌

楊氏

陸樹德妻監生楊登瀛女道光乙酉年二十四夫亡撫嗣子守節現存年五十七咸豐三年題旌

王氏

生員張藻錦繼妻王觀女道光辛卯氏年三十夫亡守節二十一年咸豐三年題旌○按事實冊作張

照錦今從采訪冊

陸氏

生員閔鑑妻訓導陸寶持女自辰舍遷潯雍正己酉年二十八夫亡守節三十九年咸豐五年題旌

錢氏

張景廉妻年二十七夫亡守節三十五年咸豐五年題旌

屠氏

張景章繼妻年二十七成婚半載夫亡守節二十六

俞氏

監生張景蘇妾景蘇卒時氏年二十九守節十八年卒景蘇與景廉景章胞兄弟也氏與屠氏錢氏稱一

門三節咸豐五年題旌○按俞氏是妾非妻范志稱

姻娣三節謬

吳氏

裴莊丁家港丁茗英繼妻年十八夫亡守節二十七

沈氏

裴莊丁禹文妻年二十八夫亡守節三十五年咸豐

張氏

裴莊監生丁漢妻年二十九夫亡守節十三年卒咸

任氏

裴莊丁飛豹妻年二十二夫亡守節十四年卒咸豐

張氏

居蔭嘉妻張聖來女嘉慶壬戌年二十八夫亡守節

金氏

沈鳳山妻金鳳芝女嘉慶庚午年十八夫亡守節現

孫氏

陸鑑妻孫寶珠女嘉慶丙子年二十一夫亡守節現

齡今從事實冊

吳氏

裴莊丁蔚新繼妻道光癸未年二十七夫亡守節現

潘氏

裴莊丁蔭佳繼妻道光乙酉年二十六夫亡守節現

金氏

廩生紀運芳妻夫亡守節咸豐五年

題旌

已上 旌表節婦

沈氏

監生莊之琳繼妻給事中沈士茂女年二十二夫亡撫二歲孤成立家貧連遭舅姑之喪殯葬盡禮常尋溪寇發時里人咸奔竄氏獨守孤閉戶曰寇至即死此耳去將何之卒獲免守節三十八年朱鶴齡溫容臨並為撰傳祀府學節孝祠

蔣氏

生員丁夢嵩妻監生蔣儀仲女順治戊子夫亡遺孤洪祖甫週痛欲自經數以救免既而曰未亡人去孤誰撫於是以前撫孤保家泣血自矢洪祖早卒復撫三孫成長時有兩世喪未葬葬之以成夫志康熙十八年卒知府胡瑾給扁旌獎董漢策撰傳毛際可作旌揚節孝錄序祀府學節孝祠○按董志范志及府縣志並載明代謫今從張志

茅氏

紀曾詒妻康熙庚申年二十三夫亡守節二十五年知縣吳崑給節茂松筠扁額夏開衡撰傳祀府學節

孝祠

紀氏

紀必達女適吳江沙洛陳元升年二十一夫亡養姑訓子守節三十一年雍正九年祀震澤縣節孝祠

胡氏

楊之璧妻年三十夫亡撫姪成立守節二十五年乾隆初縣給扁額祀府學節孝祠

湯氏

楊文煒妻年二十八夫亡守節六十一年乾隆初縣給扁額祀府學節孝祠○按縣志煒作焯今從府志

褚氏

楊榮先妻年二十九夫亡守節三十年乾隆初縣給扁額祀府學節孝祠

顧氏

楊子相妻年二十八夫亡守節二十九年乾隆初縣給扁額祀府學節孝祠

沈氏

楊士鉅妻年二十九夫亡守節二十四年乾隆初縣給扁額祀府學節孝祠

王氏

李山學妻年二十九夫亡家酷貧撫孤守節二十五年乾隆初縣給扁額祀府學節孝祠

姚氏

董應梓繼妻平湖姚淳熙女康熙辛巳年二十七夫亡無子守節二十年祀府學節孝祠

吳氏

董某妻年十七夫亡苦節六十餘年乾隆初卒祀府學節孝祠

費氏

祠丁志選妻年二十夫亡守節二十五年祀府學節孝

陳氏

姚石妻年二十二夫亡無子守節三十七年祀府學節孝祠

凌氏

金周孺妻年十九夫亡撫姪為嗣嗣子又亡復撫孤孫成立守節五十五年知縣劉鎬給扁額○按董志

范志孺作儒今從張志

錢氏

吳鳳鳴妻年二十九夫亡撫孤守節三十餘年知縣劉鎬給扁額

朱氏

扁額方英表妻年二十夫亡守節五十年縣給勁節可風

吳氏

張廷燮妻夫亡撫嗣子守節五十二年乾隆四十四年學政彭元瑞給冰霜貞操扁額

唐氏

陸星槎妻年二十二夫亡無子守節四十餘年學政寶光肅給志勵秋霜扁額

金氏

方若周妻年二十四夫亡立姪為嗣守節三十三年學政寶光肅給純固清操扁額○按潯溪紀事詩注

作方若川謫

唐氏

王振倫妻年二十二夫亡撫三歲孤成立至五十九歲子媳俱亡又撫九歲孫成立年八十五卒乾隆四十七年學政王肅給松筠勁節扁額

鈕氏

吳大年妻年二十二夫亡撫姪為嗣守節四十九年教諭吳璠給松筠貞扁額

蔡氏

監生潘世琦妻蔡培風女年二十九夫亡撫孤守節四十六年祀府學節孝祠

已上扁獎祠祀未經

題旌節婦

按中有學政扁旌者曾否具

題未見明文亦入此類

趙氏

生員董應科妻明萬曆初夫亡苦節順治五年卒年九十九

曹氏

明工部郎中華士嶠妾年二十六士嶠卒臨終以其年少欲遣嫁氏憤然曰從一而已端居小樓矢節五十五年康熙五年卒

沈氏

夏煥妻早寡撫子鼎成立守節三十餘年夏煜撰傳

沈氏

生員張光政妾天啓辛酉光政卒氏年二十五苦節五十六年康熙十五年卒光政姪廷植爲賦旌志詩

沈氏

生員華仁溥妾天啓乙丑仁溥卒氏年二十九守節四十三年康熙七年卒○按范志妾作妻謬

朱氏

華用霖妻年二十九夫亡撫遺腹子成立苦節五十四年康熙中卒

沈氏

華國宙妻甲申盜起宙率鄉勇禦之中矢而殞氏年二十五撫襁褓兒給養殮于十指苦節四十餘年

盛氏

華仁漢妻甲申乙酉間寇盜蜂起蹂躪鄉村氏匿亂草中以免仁漢有膂力與寇格鬥遇害氏方三十歲撫孤守節四十餘年○按范志作華士漢誤

孫氏

休○臨溪程文煌妻休○陽湖孫揚清女文煌字履輝號王予于順治乙酉遠遊閩粵兵燹道梗存亡莫問已丑春有族人自蜀中歸云文煌以丙戌年授西川

經歷赴任途次遇賊歿矣時婦姑在堂孤子章基僅五

齡仰事俯育備極艱苦及章基長賈于湖州遂迎養於

湖康熙甲寅遷潯戊午秋感微疾預定死期及期而卒

異香滿室者三日年六十一章基扶柩還葬休○與其父衣冠合窆黃周星爲撰傳沈三曾撰墓志章基有述

哀詩八章翁媿為跋○按他處人寓潯者舊志或載或否今一例載入不復分析後仿此又文煌為殘明殉難之臣雖身未至潯而藉以附見故特詳其字號仕履寓閩幽之意焉

桂氏 紀上猷妻順治丙戌年二十四夫亡守節三十一年

沈氏 董懋龍妻順治壬辰年十八夫亡苦節無子

紀氏 梅軼倫妻年二十四夫亡事姑至孝遇之嚴厲未嘗怨懟苦節三十六年曹大斌為撰畫像記

吳氏 張啟蛟妻順治甲午年二十六夫亡無子苦志守節十一年卒

沈氏 紀衛生妾順治乙未衛生卒氏年二十四守節二十六年

莊氏 張應試妻震澤生員莊祖溪女順治丙申年二十三夫亡撫孤守節三十八年

沈氏 田家駒妻年二十九夫亡立姪自明為嗣苦節四十五年

紀氏 生員何炳泰繼妻婚僅數月夫亡撫前室子如已出苦節四十餘年

紀氏

生員何昂若繼妻年二十二夫亡家甚貧苦撫孤成立娶婦後子又病歿復撫幼孫守節四十五年○按

董志范志有昂若妻無炳泰妻文獻及紀事詩注有炳泰妻無昂若妻疑昂若即炳泰然無確據姑兩存之

沈氏

莊聖容妻年三十夫亡撫孤苦節四十一

王氏

李乾春妻夫亡苦節三十餘年

葉氏

屠禮妻本居新城避盜遷淳年三十夫亡撫孤守節五十九年

王氏

沈百順妻本姚延著家婢廣西人名朝秀年二十九夫亡守節二十八年

沈氏

董志進妻康熙乙卯年二十八夫亡無子苦節三十二年

嚴氏

金世球妻年二十一夫亡守節四十七年

吳氏

貝嵩英妻年十七甫成婚夫亡孝事舅姑撫姪為嗣守節三十三年

鈕氏

俞一夔妻年二十五夫亡立夫從弟一鳳之子為嗣守節三十七年與一鳳妻吳氏稱一門雙節

吳氏

俞一鳳妻年二十一夫亡與鈕氏共撫一孤甘貧紡織孝事孀姑力營喪葬守節三十一年

水氏

董允忠妻康熙丁巳年二十夫亡苦節無子

尤氏

錢中選妻年二十九夫亡教子成立守節四十八年

胡氏

董上驢妻德清胡廷最女康熙庚申年二十一婚未期年夫亡無子撫嗣子守節五十八年曹大斌撰傳

華氏

金應鍾妻年二十三夫亡守節五十四年

董氏

吳鯤妻夫亡守節

張氏

虞生紀志光妾康熙辛未志光亡氏年二十七志光妻溫氏年三十五張依正室茹苦勵志共撫嗣子言成立溫守節四十二年張守節五十二年

吳氏

王贊匡繼妻吳有雋女年二十二成婚生子高升甫逾年夫亡孝事翁姑撫孤成立守節二十五年曹大斌撰傳

斌撰傳

尤氏

張啟信妻康熙癸酉年三十夫亡撫嗣子守節三十三年

丁氏

丁斗南女適吳江六都孫麗輝為繼妻合卺之夕夫忽遭異疾數日而卒氏撫嗣子矢志姑徐氏病刲股作羹療之苦節三十年

唐氏

張宏志妻康熙己卯年二十八夫亡撫孤守節二十年

俞氏

馬家港俞啟明女適吳江染店洪孫載周夫亡無子苦節五十餘年

楊氏

紀曾宏妻康熙辛巳年二十九夫亡撫孤子幼思戚立守節五十四年與幼思婦沈氏稱姑婦雙節

施氏

莊自紳妻年二十九夫亡立姪為嗣紡織自給苦節二十八年

錢氏

儒童張元植妻震澤舉人錢威女康熙丁丑年二十六夫亡撫嗣子守節三十五年

汪氏

沈昌齡妻年二十五夫亡無子苦節三十八年

董氏

董份曾孫女適桐鄉青鎮監生唐廷楷年二十五夫亡撫嗣子守節三十二年。按見烏青鎮志董氏譜

不載

朱氏

沈一村妻夫亡守節三十餘年

孫氏

何春萬妻孫羣鸞女夫亡守節三十餘年

董氏

張掖妻董子常女康熙丁亥年十九夫亡事翁姑曲盡孝道撫孤守節三十九年○按舊志作張永思卽掖之字

薛氏

薛漢升女適震澤橫濠墩孫梁選年二十二夫亡無子翁諷之改嫁且盡取其資裝使不能自存乃歸母家以針黹自給苦節四十一年董應撰傳

紀氏

陸登墀妻夫亡守節三十餘年

董氏

桂天聲繼妻年二十四夫亡撫孤守節二十年

孫氏

虞生董懋昭妾康熙戊戌懋昭亡氏年二十六懋昭妻陳氏有癩疾氏撫其子及己所生子無何兩子俱

天氏茹荼矢志守節五十一年

沈氏

華用穀繼妻夫亡無子曰對其夫小像焚香涕泣守節四十餘年○按潯錄作華周穀謬

吳氏

華懋傑妻年二十六夫亡茹苦撫孤復振家業矢節五十年○按紀事詩注作華懋昭謬

曹氏

詳其守節事迹○按張董范三志並載范志云未

丁氏

紀樞妻雍正癸卯年二十九夫亡守節五十年

吳氏

紀又絃妻雍正乙巳年二十七夫亡撫又絃兄又純

時二子文魁武魁生甫五月童氏偕嫡婢共矢柏舟俾兩兄成立童氏雖中年守志其苦節亦不可泯沒也

沈氏

紀幼思妻雍正戊申年二十八夫亡撫孤守節四十五年

潘氏

顧某妻夫亡撫孤守節葬三喪凌樹屏為節婦詩

沈氏

李湘遠妻年十九夫亡撫孤守節二十七年

張氏 方建侯繼妻年三十夫亡撫四子俱成立守節三十

沈氏 張道南妻監生沈我成女雍正庚戌年二十七夫亡撫嗣子守節六十年

陳氏 姚士盤繼妻陳蒼球女雍正辛亥年二十七夫亡撫子守節二十六年

孟氏 張倚妻雍正癸丑年二十九夫亡撫孤守節四十年

嚴氏 生員紀士龍繼妻生員嚴受千女雍正甲寅年三十夫亡撫孤守節二十四年士龍族弟復亨爲賦旌志

詩并序

章氏 張宗禮妻乾隆己未年二十九夫亡無子守節五十一年

金氏 紀鉅妻乾隆庚申年二十八夫亡撫孤守節二十三年

沈氏 錢民則妻年二十三夫亡立姪爲嗣孝養舅姑守節三十五年

莊氏 廩生董調元妻監生莊若城女乾隆癸亥年三十夫亡事舅姑先意承志撫遺孤讀書成立守節四十九

年

徐氏

陸純熙妻夫亡無子苦節二十餘年

沈氏

生員紀嶽登妻乾隆壬申年二十八夫亡守節二十八年

陶氏

方允思妻年二十二夫亡無子勤紡織以養舅姑苦節三十餘年○按范志作方元思今從董志

陳氏

張鴻寶妻年二十七夫亡家貧事翁姑曲盡孝養撫孤成立苦節四十餘年

吳氏

生員張鴻憲妻吳江監生吳宗嶽女乾隆丙子氏年三十夫亡撫孤守節三十六年

許氏

李文卿妻年二十八夫亡無子苦節三十二年

孫氏

李晉卿妻年二十五夫亡撫孤成立娶婦後子又夭復撫幼孫成長守節四十七年

沈氏

屠明揚妻乾隆庚辰年二十六夫亡撫孤守節三十八年

李氏

吳漢明妻年二十夫亡教子成立事翁姑生養死葬盡禮守節三十八年

錢氏

華某妻華美成之母早寡家貧事姑至孝撫孤守節

閔氏

潘晉鼎妻閔兆魁女乾隆癸未年二十九夫亡子又殤立姪為嗣守節五十二年○按采訪冊作潘康侯

即晉鼎之字

潘氏

孫光炯妻年二十九夫亡撫孤守節三十七年

龐氏

孫機悌妻年二十一夫亡孝翁姑訓嗣子成立守節三十年○按范志機作模謫

張氏

生員莊人繼妻吳江籍居潯年二十五夫亡立姪為嗣守節三十餘年

朱氏

毛丹林繼妻年二十二夫亡繼姪為嗣守節五十七年

陸氏

程某妻陸受祺女年十九壻以病篤議婚父母難之氏恚曰果若是則夫未死而先有死其夫之心矣何

以事人父母避之倉猝成禮三日夫卒喪葬如禮顧以貧依母而母家亦貧針黹自給為夫立嗣苦守至六十一歲卒湖濱張彗之撰傳

欽氏

監生沈方安妻吳縣生員欽義方女幼讀書嫻內則

妾欽時年十七越數載舉女二欽乃還吳將再買妾得
同邑曹氏女遂聘以歸方安不肯留曰得子遲早有命
何多置妾為欽自託有隱疾強而後可甫半載方安病
卒曹有去志欽涕泣勉諭且言果肯守志偕老願折節
奉侍終身曹為感動乃止既而家漸落凡炊爨針黹之
事欽皆身任其勞不以煩曹也未嘗有怨色嘗語人曰
我但知為沈家人耳使後有承祧之孫家無再醮之婦
幸矣繼族姪之子為孫名曰承宗曾孫猶及見也曹病
革欽年已老復遭鄰火移居于鄉益貧且患瘧然侍曹
湯藥仍不少懈曹既歿欽曰彼節已全我心斯慰矣卽
亦繼逝相間僅晨昏耳○按此見吳仙槎太平閒話作
沈鎮山范錯潯溪紀事詩注引之作沈方安蓋鎮山卽
方安字也或曰仙槎雖潯人曾僑居他處太平閒話云
里中有報恩寺又云里中有雨花庵所稱里中皆不指
潯地而此條亦云沈鎮山者余同里執友也疑鎮山亦
非潯人矣然錯係同時人見聞相接所采似不應有誤
今仍從紀事詩注載入

潘氏

生員潘潤之女適吳江平望王王成乾隆戊子年十
九夫亡遺孤甫晬孀姑在堂王成兄弟三人伯以貧
故就食于外仲惑婦言不能孝母姑就養于氏仲又調
氏他適氏號泣不食仲亦惻然而止貧甚葦席遮門又
值大水拮据奉姑自食糠粃偷屑鄰有褚某重其行謀
聘爲繼室媒之不可乃重賂其父授以金珠一篋父往
見氏而難于辭說出金珠示之氏覺其意碎篋痛哭父
慚而退褚益重之復啖其弟詭稱母疾迎氏歸母與姑
姊妹日夕說誘氏憤甚疾趨而歸弟急棹舟追送之行
已十餘里矣自是不復返母家終養老姑撫孤成立凡
苦節數十年

李氏

吳德輝妻年二十九夫亡撫孤守節三十年

費氏

陸大銘妻夫亡無子苦志守節

沈氏

張星槐妻生員沈昆紫女乾隆庚寅年二十三夫亡
撫嗣子守節五十年

沈氏

吳維成妻年二十九夫亡撫孤守節三十八年

姚氏

生員屠元淳繼妻乾隆丁酉年三十夫亡守節三十

周氏

夫吳昌明妻周啟明女乾隆辛亥年二十四成婚匝月

姚氏

生員張鎮繼妻乾隆癸丑年十七成婚十月夫亡無

尹氏

西莊村生員尹以銓妹適震澤吳濃生員馬若韓年

方氏

吳廷桂妻嘉慶初廷桂卒氏年二十無子侍家室盡

金氏

歸安武生紀萬春繼妻震澤金明剛女嘉慶戊午年

田氏

張邦疑妻田震南女嘉慶戊午年二十六夫亡撫孤

吳氏

張裕堃妻吳聲和女嘉慶己未年二十五夫亡撫孤

朱氏

陸在茲妻監生朱武安女嘉慶己未年三十夫亡守

韓氏

張之麟妻韓振揚女嘉慶庚申年二十三夫亡撫孤

劉氏

沈如松妻嘉慶庚申年二十六夫亡撫孤守節四十

倪氏

蔣麗天妻震澤舉人倪樹枚女嘉慶庚申年二十九夫亡守節四十五年善畫花卉人物嗣子堃僅周晬撫育及成婚皆出鬻畫之資

邵氏

候選主事汪尚仁妾嘉慶庚申尚仁卒氏時年二十九無子守節五十二年初居郡城後遷潯

紀氏

邵心葵妻紀澥辰女嘉慶癸亥年二十八夫亡無子撫嫡姪守節三十六年

董氏

韓振球繼妻董掄元女嘉慶癸亥年二十二夫亡無子事翁盡禮撫姪成立茹苦守節現存年七十七

潘氏

監生朱時雍妻潘辛才女嘉慶甲子年二十九夫亡撫孤守節現存年八十三

沈氏

吳大坤妻沈聖南女嘉慶丁卯年二十五夫亡撫孤守節三十年

李氏

南柵蔣永琪妻嘉慶戊辰年二十八夫亡撫孤守節現存年七十八

姚氏

沈如槐妻嘉慶己巳年二十七夫亡無子以如槐兄如松之子兼祧與如松妻劉氏兩孀共撫一孤成立

守節四十二年

蔣氏

屠泰中妻蔣彥章女嘉慶己巳年二十六夫亡苦節四十八年

王氏

副貢吳檢妾嘉慶己巳年二十五檢疾革以其無子將更嫁之堅志不從及檢卒茹苦守節侍家室盡禮

現存年七十四

趙氏

監生張勝潮妾嘉慶庚午年三十勝潮卒撫孤守節三十年

鍾氏

那兆熊妻嘉慶庚午年二十八夫亡撫孤守節四十二年

費氏

周夢川妻嘉慶丁丑年二十七夫亡家貧無子以紡織自給撫嗣子成立守節四十一年

丁氏

監生董學灝繼妻丁世賢女嘉慶丁丑年二十五夫亡撫前妻子及己子成立守節三十六年

黃氏

生員陸鈞妾嘉慶戊寅年三十鈞卒撫孤苦節十餘年嫡出女適晟舍閔氏早亡氏為撫其幼子讀書成

立閔希濂撰傳

張氏

監生范雅巖繼妻夫亡守節四十餘年

董氏

范冠英妻夫亡撫遺腹子成立守節三十餘年

吳氏

宋方岳妻吳啓潮女嘉慶己卯年二十四夫亡撫嗣子守節現存年六十三

朱氏

張咸時妻朱雲瞻女嘉慶庚辰年二十八夫亡守節現存年六十六

吳氏

謝錦璜繼妻年二十一成婚十月夫亡撫遺腹子成立守節五十八年

吳氏

謝紹東妻年二十七夫亡苦節四十五年

沈氏

臆里談士槐妻沈世珍女道光辛巳年二十九夫亡撫孤守節現存年六十六

王氏

監生王巖女道光辛巳年二十三適震澤生員沈駿成婚三月夫亡撫嗣子守節現存年六十

陸氏

錢鳴岐妻陸瑞祥女年二十五夫亡守節三十一年

姚氏

孟正有妻姚豐女道光壬午年三十歲夫亡守節現存年六十六

張氏

舉人董襄妾道光癸未襄卒氏時年二十九無子撫遺腹女成立苦節三十二年

陸氏

閔肇基妾道光甲申肇基卒氏時年二十六撫孤守節十餘年

陸氏

金自莊妻道光甲申年二十六夫亡撫孤守節現存年五十九

閔氏

周殿升妻閔肇基女道光丙戌年二十八夫亡守節現存年六十

吳氏

姚懷昌妻吳佩金女道光丙戌年二十六夫亡守節現存年五十九

董氏

褚建中妻董世安女道光戊子年二十七夫亡撫孤守節現存年五十九

俞氏

紀魯儒妻俞耀廷女道光戊子年二十四夫亡撫孤守節現存年五十四

楊氏

吳文魁妻楊鳳章女道光戊子年二十八夫亡無子苦節三十年

葉氏

桂長瀛妻監生葉汝舟女道光庚寅年二十二夫亡撫孤守節現存年五十

紀氏

曹松森妻紀宗稷女道光辛卯年二十七夫亡守節現存年五十四

李氏

姚松年妻李象榮女道光辛卯年二十四夫亡撫嗣子守節孝事翁姑生養死葬或勸以事佛祈福氏曰命由天定佞佛何益生平不入寺廟現存年五十一

徐氏

朱兆佳妻徐瑩女道光辛卯年二十二夫亡守節現存年四十九

董氏

生員張藻錦妾道光辛卯年二十一藻錦卒偕嫡妻王氏撫所生子守節現存年四十八

趙氏

秀水汪譽榛繼妻上海趙林女寓居于潯道光辛卯年十九夫亡撫嗣子守節咸豐戊午卒年四十六

張氏

生員邢傑妻監生張鎔金女道光壬辰年二十二夫亡守節現存年五十三

張氏

紀晉釗妻張蔭棠女道光癸巳年二十七夫亡撫孤守節現存年五十二

俞氏

監生張大樑繼妻俞仰之女道光癸巳年二十五夫亡撫孤守節現存年五十

朱氏

徐秀章妻道光癸巳年三十夫亡守節現存年五十

程氏

王元齡妻程秋畦女道光甲午年二十一夫亡撫嗣子守節二十三年

蔣氏

張書銓妻震澤蔣秉衡女道光乙未年二十九夫亡守節現存年五十二

尹氏

金振揚繼妻尹秉銓女道光乙未年二十六成婚僅八十日夫亡事孀姑撫前妻子守節現存年四十九

潘氏

桂萬安妻道光乙未年二十一夫亡無子守節現存年四十四

顧氏

倪延林妻顧會嘉女道光乙未年二十七夫亡現存年五十

王氏

生員董邦楨妻道光丙申年二十七夫亡撫孤守節現存年四十九

張氏

監生嚴瑞昌妻張建中女道光丙申年二十九夫亡撫孤守節現存年五十一

邵氏

監生張其焜妻邵鴻如女道光丁酉年二十九夫亡撫孤守節現存年五十

董氏

金林妻董全模女道光丁酉年三十歲夫亡撫孤守節現存年五十一

閔氏

溫錫祚妻閔肇基女道光戊戌年三十歲夫亡守節現存年五十

尹氏

張達海妻道光戊戌年三十歲夫亡撫孤守節現存年五十

朱氏

紀士和妻朱福堂女道光戊戌年二十六夫亡守節現存年四十六

朱氏

張平甫妻朱君雅女道光辛丑年三十歲夫亡守節現存年四十七

鍾氏

金濱妻道光壬寅年二十七夫亡撫孤守節至咸豐壬子卒

嚴氏

生員馮我仁妻嚴重輝女道光壬寅年二十二夫亡守節現存年四十我仁長兄鈺亦生員與次兄肇模

並早卒唯肇模有二子長嗣為鈺子次為我仁兼祧子鈺妻張氏張會嘉女年三十五夫亡現存年五十五肇

模妻金氏金伏生女年三十二夫亡現存年四十七三孀共居撫孤食貧苦守稱一門三節

李氏

張鍾鑫妻李涵輝女道光癸卯年二十九夫亡子早殤撫姪汾為嗣苦節現存年四十四汾妻潘氏潘瀛

客女汾卒時氏年二十事孀姑撫子女守志現存年二十五

沈氏

張鸚繼妻沈金門女道光癸卯年二十九夫亡撫孤守節現存年四十四

已上采訪節婦

按凡節孝貞烈與旌例相符者並於咸豐八年開具冊結彙送杭

州辦理浙江節孝總局以待 題旌

潘氏

程嘉和聘妻潘宏次女尚仁尚智之姑也嘉和世居徽州康熙丙午舉人後遷于潯初娶王氏卒續娶潘

氏卽宏長女又卒復聘氏爲繼妻未婚夫亡氏聞計卽自經獲救乃縗絰歸程氏時年十九撫前妻子女極慈愛家人罕見其言笑守志六十餘年康熙五十九年題旌董煥爲撰行狀

董氏

沈文聘妻訓導董正謹女幼許字未婚隨父之任溫州年二十一文卒計至吞金誓死父母許以歸沈守

志始得救解時文有老母以哭子喪明族黨恐氏歸重傷其心乃素服毀妝守貞在室越五年姑亡氏自溫州奔喪立姪清震爲嗣氏母嘗邁危疾醫禱罔效氏籲天割臂肉作羹以進母病得愈是夜清震在家感異夢有神告之曰汝母以孝傷臂當療以硃砂血竭凌晨齋藥至則割臂之事尚無一人知也藥敷創口應手而合至孝感神遠近歎異當伯叔析箸時割產以授則堅辭之曰以是畀我殆以我爲分產來耶一無所取守節四十年乾隆十五年 題旌

丁氏

妻莊丁家港知州丁麟女許字歸安監生戴璉為繼妻璉落魄出遊不返氏年逾三十未嫁既而璉客死山東氏久而始聞其耗慟哭自經者再並以救免鬱鬱成疾卒年三十五道光十年題旌孫雙撰傳○按事實冊作聞計奔喪矢節七年今從丁氏家譜

嚴氏

蔣文瀾聘妻乾隆己亥年二十六未嫁夫亡歸蔣守志家貧事姑無怠未立嗣子孤苦三十餘年卒年五十九道光三十年題旌

方氏

金邦禮聘妻增生方郁女幼失恃育于繼母繼母病刲臂療之以孝女稱道光甲申年十八將嫁而夫亡聞計即不欲生父母力勸止之越三年編服歸金守志撫姪為嗣卒年三十二道光三十年題旌孫燮撰傳

范氏

董挺聘妻道光戊戌年二十三未嫁夫亡誓不再字哀毀成痼疾卒年三十二道光三十年題旌

已上 旌表貞女

蔣氏

蔣某女適震澤吳漙董僉義未婚夫亡誓不改嫁縗經歸董苦節六十餘年旌額曰貞心勁節

董氏

薛冠五聘妻冠五以貧無行遠出久無音問父母欲改字堅不從依祖母以居年六十餘卒祀府學節孝祠。按縣志作年四十餘卒今從張董范三志

已上扁獎祠祀未經題旌貞女

吳氏

董志陞聘妻吳江吳之翰女康熙庚戌未婚夫卒氏卽矢志縗絰奔喪撫嗣子成立

董氏

監生董光裴女名昭度幼許字仁和塘棲卓氏子未嫁夫卒縗素歸卓守志立姪爲嗣

孫氏

生員范超所聘繼妻未嫁夫亡縗素歸范撫姪爲嗣守節三十餘年

溫氏

生員溫梅女幼字顧氏年三十未嫁夫亡遂守志不更嫁現存年六十

陸氏

汪曰霖聘妻山陰人仁和籍知府陸葉女卽曰霖姑女也道光丁亥年十八未婚夫卒聞計卽矢志求死

父母力爲勸解遂縗素長齋誓不更字現存年四十九

范氏

溫坤聘妻監生范徵潔女名瑞珍未嫁夫亡父母祖不使知逾年始知的耗矢志欲歸溫室頻死獲救者

數次旋以哀毀抑鬱成疾卒時道光庚子年二十二溫氏迎其柩與夫合窆董恂撰傳

薄氏

拜三圩姚家兜吳維安聘妻薄正元女道光丁酉年二十二未嫁夫亡縗經歸吳撫姪為嗣苦節現存年四十三

已上采訪貞女

潘氏

莊明揚妻年二十六夫亡含殮後即吞金不死復絕粒妯娌勸之幡然曰父母歿而無兄弟我死誰營窆窆乃復飲食出簪珥衣服鬻之以卜葬其父母歸拜夫靈見妯娌強為歡笑俟夜靜闔戶自經時年三十四雍正十二年題旌

沈氏

談志芳妻成婚二載餘夫死自縊救免越月餘夫既葬復縊于靈幃時年十九乾隆十六年題旌○按薄錄作甫成婚夫亡謫今從張鴻憲談烈婦歌

沈氏

談履清妻早寡守志數年自經死學政給烈姪剪荆扁額乾隆十八年題旌

紀氏

紀晃辰女適鎮洋生員陳濂為繼妻孝於姑善撫前室子女乾隆癸丑夫亡投繯墮樓並以救免母氏防

護甚力且以遺孕為言遂緩死及生女號慟曰今可死矣產後二日潛赴池水死乾隆五十九年題旌莊斗

孫燮並為撰傳紀峻撰有狀。按董志范志作紀鏡青即晃辰之字陳濂或作陳濬謫

徐氏

謝恆若繼妻徐冠英女成婚三月夫亡投繯七次並以救免越百餘日卒自經以殉嘉慶十年題旌。

按或作謝立方即恆若之字

沈氏

監生沈鍾璜次女適震澤吳榕夫亡無子氏欲殉家

有夫弟奉晨昏夫無遺孤藉撫養不死何待遂闔戶自經死距夫死五十三日年二十三嘉慶十一年題旌

章汝金邢典張海珊並為撰傳

吳氏

計元夢妻監生吳繼成女乾隆壬申成婚時夫疾已篤越五十日夫亡氏絕食投繯並得救解後母家欲

奪其志遂於除服之次日伺隙自經死嘉慶十四年題旌凌樹屏撰傳

蔣氏

箋四圩李龍光妻蔣心榮女夫病革氏割股啖之不效夫卒視合殮畢潛赴後園躍入池水死年二十二

嘉慶二十二年與姑節孝程氏並題旌

高氏

高士奎女適歸安雙林沈漢標夫病割股以進不效及夫卒誓以身殉屢縊屢救後防稍弛竟縊死距夫

亡八十二日年二十八道光八年題旌○按采訪冊作沈漢三今從事實冊

鄭氏

姚家灘從九品姚永貴繼妻震澤從九品鄭大純女成婚未期夫疾革屬纊時氏潛吞鹽滷及眾覺救已

不及遂與夫同時死時咸豐癸丑九月二十日年二十四咸豐四年題旌

已上 旌表烈婦

陸氏

通判陸以載女嫁歸安前邱吳某順治乙酉寓居薄西六里橋同媳張氏避兵田間張為兵所獲陸急奮

救俱厲罵遂遇害時年三十四其姪陸律記其事祀府學節孝祠

張氏

生員張大成女適前邱吳某與繼姑陸氏同被害時年二十一祀府學節孝祠○按大成或作六成

孫氏

吳江六都皇甫申之妻吳淩孫濟寰女順治乙酉挈家避居裴莊方家港時劇盜沈判劫得官兵驅之所

過淫掠氏方理髮申之走告曰兵至矣氏從容曰死吾分耳勿畏兵人欲汚之氏齧其肉兵怒糾三卒共逼之齧愈甚不得近兵乃引繩緝其指懸于梁呵之曰不從則死氏嚙血罵曰速殺我毋多言遂殺之申之先傷于刃什地鄰里救之甦感其烈遂薙髮為僧氏死與方烈女同日里人稱為雙烈祀府學節孝祠○按震澤縣志云孫氏錢志作丁氏今據六都志正之其從兄孫昱有傳湖錄以孫氏為烏程人誤也又府縣志有皇甫某妻孫氏居湖濱丙戌春兵掠之大罵刳腹屠腸而死疑卽申之妻複誤

沈氏

張伯慶妻七里溫樸家僕沈吉女順治壬辰有姜汝成以索負為名值伯慶他出逼姦不從自縊死神府

學節孝祠

王氏

朱念紹繼妻仁和王羽妹念紹烏程廩生康熙癸卯以史案牽連得禍氏例當發遣卽買一小剃刀佩腰

間以舂繚幼子未引決及幼子殤有强暴欲窺之者氏引刀自斷其喉血流被體見者驚走越日卒過其門者

皆目爲王烈婦家前妻之子駿驥負骨歸葬祖塋之側
祀府學節孝祠○按念紹卽朱佑明之長子此事已載
府縣志

方氏

朱良琛妻裝莊方鼎甫女成婚三載夫亡越七日自
縊氏時年二十三董漢策作傳董師植撰哀辭祀府
學節孝祠

某氏

朱某妻朱居潯東娶婦時疾已篤未半月歿于上已
越七日氏遂自經于寒食之夕董友松爲賦朱烈婦
詩祀府學節孝祠○按此與方氏同時疑卽一人然成
婚三年半月不同張董范三志皆兩載今仍之

姚氏

編修夏開衡妻吳江涪溪姚紳女年二十三歸開衡
四年生子女各一開衡官翰林氏畱家子殤氏爲夫
置妾攜幼女同至京而女又殤開衡亦疾作瀕死屢顧
氏哽咽氏泣曰果有不諱我誓不獨生及卒氏閉戶投
繯旣而曰吾死如靈輜何因扶柩而南過淮之日市白
綾手縫命服復買命婦冠返故廬入拜舅訣曰氏夫亡
無子只有一死耳舅命以叔子爲嗣荅曰誠善然長養
成立在叔未亡人何能爲舅令家人守之氏乘隙服冠

帶自縊死知府唐紹祖知縣王懋訥給扁額沈近思金
梅曹大斌並為作傳謝洲作烈婦篇祀府學節孝祠
陳氏朱琇妻成婚半載夫病革氏慰之曰孀姑有叔在妾
固無以自處矣君無憂含殮之夕服縗經自經時年
二十二雍正戊申七月二十四日也祀府學節孝祠

卜氏

王漢英妻年二十二夫亡無子卽時自經以殉祀府
學節孝祠○按漢英或作漢襄

已上扁額祠祀未經

題旌烈婦

按范來庚志載
陸鳳銓妻范氏

成婚四載年二十三與夫相繼而逝巡撫阮元給
貞節寒松扁額卽來庚姊也非節非烈與憲旌之
例未符扁額字義亦不稱當屬虛造范志於范氏
事多誣此其一也附辯于此

顧氏

嫁為本里某氏婦有縣役某催料至其家見而豔之
伺其夫遠出突入內室以手撫其項氏大驚旋泣語

小姑曰此頸忽為男子手所加豈可洗乎卽縊死越兩
月役偶乘舟過潯忽見氏上其舟役告舟人曰吾前日
不過手摸其頸何遽死乎遂發狂投水適遇來船縛纏
于項不能解立時流血死舟人揚其語聞于小姑事始

白錢泳記其事

沈氏

少鬻爲本里溫氏婢母以父亡謀改適氏號泣諫不能止其姊有二子夫死亦適人遂與姊絕長嫁本里

某氏夫有田二畝耕以自給生一子而夫死其夫兄利其田逼之他適氏曰我豈忘號泣諫母時哉況我有子在將焉置此踰年子患痘劇求夫兄召醫不應遂死又逼之曰我豈以子故易初志哉夫兄乃棄其二畝田不爲耕氏苦不得食長號二十日餓死明年新穀升夫兄方餐忽投箸呼曰汝何得食此二畝田遂自搯吭而死張士元記其事張海珊撰傳

方氏

李某妻嘉慶中成婚數月夫亡姑迫嫁之投水死孫變爲賦烈婦詩

嚴氏

姚皆福妻嘉慶庚辰氏年三十夫亡投水死

某氏

李某妻居西柵石家街口翁曰李康源業銀匠夫早亡氏守志後翁姑微示奪志之意遂投水死時道光

已酉方大水其尸倚岸挺立急流之中不仆亦不移人傳爲異○按其家旋徙他處故夫名婦氏無從詳攷

曹氏

邵錦坤之子婦夫敗檢翁客死湖廣無以為生氏乃為傭媼得值以養姑夫詭言氏母病亟以舟載氏往母家及至則非母家也駭愕問故始知為夫所害夫已鼓棹徑去氏欲投水為人所持乃因其勸慰作為歡笑伺隙即自縊死時咸豐元年氏年二十餘

皇甫氏

生員張模妻震澤人恂鄉籍增生皇甫鑒女咸豐丁巳年二十七夫病革即不食及夫卒後三日終以不食死徐延城撰傳

已上采訪烈婦

田氏

董蔚宗聘妻生員田見龍女名夢魁未嫁夫亡聞計縞素自縊異香滿室顏色如生陳世倌撰傳紀復亨撰墓志銘乾隆十四年題旌○按府志及舊志並作董掌文乃蔚宗之字今從董興宗傳古選錄及董氏譜

金氏

鄞縣監生金鏞女居潯許字青浦凌玉成未婚夫卒聞計服毒死年十八孫衍慶撰傳咸豐四年題旌

李氏

梁希鸞聘妻監生李鵬飛女未嫁夫亡計至越二日氏偵知之即服毒死年二十六咸豐五年題旌

已上 旌表烈女

方氏

裴莊方家港方章甫女時官兵追盜道出裴莊被掠登舟乘守卒稍懈奮身投水死次日尸浮面如生年

僅十三順治乙酉十一月二十九日也祀府學節孝祠

姚氏

吳有思聘妻雍正癸卯年二十一未婚夫亡聞計自躍墮樓家人救之卒不食死有思從孫吳汝雯爲賦貞女篇里人孫變爲賦烈女詩祀府學節孝祠

湯氏

董在璿聘妻吳江盛澤湯允文女雍正壬子未婚夫卒聞計吞金死乃以魂旛神主歸于董氏知府唐紹祖給皎日爲期扁額

溫氏

張振麟聘妻七里溫某女乾隆辛酉許字甫三月夫亡聞計號慟不食數日而死縣給扁額○按咸豐五年節孝事實冊有張振麟妻沈氏嘉慶時人住府西街係節婦其夫姓名偶同別是一人

李氏

監生李在明女許字某氏子未婚而亡氏聞計投水死縣給扁額

已上扁獎祠祀未經題旌烈女

徐鳳姐

三歲父死隨母更適施姓後其母欲許字已所私

志據張鴻憲徐貞女詩首句云有客至潯上爰徵貞女詩疑非潯人削之不錄然張志卽鴻憲兄鴻寓所修果非潯人必不闕入蓋貞女居近鄉不在鎮市故張詩加此今仍從張志載入

已上采訪烈女

董氏

監生董朝鼎女少時嘗割臂療母疾長適仁和商籍恩貢生歸安戴宸爲繼妻事姑盡孝又割股療夫疾

咸豐三年題旌

已上旌表孝婦

按孝子董允文妻溫氏孝子紀峻妻屠氏事姑並以孝稱已詳

人物傳又道光時有朱某妻張氏震澤吳淩張寶成女夫喜狹邪又病狂易氏撫子女事夫無失禮姑遇之甚暴見子不肖家業日落又惡人言其子之短遷怒於婦氏雖屢遭辱責無怨懟孝養益謹

里黨稱為孝婦沈堯為記其事但與旌例未符
附載于此

華氏

華景川女父病劇氏刲臂以療父無子誓不適人父
母知其志因招金豫豐為壻壻不諳生理家益貧針
繡以養父母母歿竭力營葬親為負土道光三十年題
旌○按采訪冊作父華餘豐夫金大忠今從事實冊

已上旌表孝女

盛氏

監生王承霖妻震澤五界亭監生盛元鎔女父早卒
事母至孝母病刲股和藥以進遂愈後又病復刲股
竟不效咸豐甲寅年三十夫亡茹苦撫孤哀毀成疾越
三年卒

已上采訪孝女

徐氏

監生張乾初妻張宗驥之母壽至一百一歲親見五
代道光十八年恩賜粟帛並給扁額

已上恩錫壽婦

補遺

大清

李氏

吳九儀妻乾隆戊寅年二十八夫亡守節五十年

陳氏

吳九徵妾乾隆己酉九徵卒氏年二十八無子守節四十六年

李氏

蔣永琪妻嘉慶己巳年二十九夫亡撫孤守節現存年七十九

陸氏

監生歸令耕繼妻陸衡臣女道光戊子年三十夫亡無子守節三十年

已上續訪節婦

按並於咸豐九年彙交節孝總局以備題旌

邵氏

邵玉峯女生母毛氏疾革女刲股以進遂愈後女適吳霆春早卒

已上續訪孝女

災祥一

汪曰楨撰

南潯鎮志十九

宋太平興國六年大水

咸平元年旱二年旱三年大饑民疫死

景德二年饑

大中祥符五年旱七年饑

天禧元年蝗民饑三年饑

乾興元年二月水壞民田

天聖元年大水饑四年九月雨水壞民廬舍

寶元元年旱無禾二年饑

慶曆八年大水田泮幾盡

皇祐二年大水

唐樞縣志作慶曆庚寅劉沂春高必騰縣志作慶曆九年並譌

四年水

嘉祐五年水災六年七月淫雨為災

熙寧三年旱四年水災五年水六年饑七年大旱八年連

大旱民多殍死

按吳興掌故集作治平八年譌

十年春旱

元豐四年大水五年久雨太湖水溢六年正月大雨至六

月太湖泛溢田不布種廬舍漂蕩

元祐元年春旱三年秋旱四年夏旱饑疫大作五年水災

六年水災

劉沂春縣志云龍川略志謂大旱誤

紹聖元年海風害民田九月地震三年地屢震四年旱

元符元年旱二年六月久雨

建中靖國元年自七月雨至十月水

崇寧元年旱饑二年蝗三年蝗四年水

大觀元年水災三年旱

政和五年水災

重和元年大水

宣和元年水災三年蝗六年水災

建炎二年春水三年五月零雨夏寒秋旱四年二月大疫

夏秋旱大饑

胡承謀府志作霍雨害稼乃紹興四年事

紹興元年饑六月大疫二年春饑米斗千錢時餽饗繁急
民益艱食八月地震三年旱八月地震四年六月霍雨

害稼

栗祁府志作建炎八年譌

五年五月旱三十餘日八月大雨太

湖溢六年地震七年旱十三年三月望大雪十四年大

水十七年大水十八年旱饑二十三年大水二十四年

旱二十八年大風水二十九年秋旱民饑

吳興備志云掌故集宜和

二十八年蘇湖大水誤按宣和僅七年耳攷宋史湖秀諸州饑在紹興二十九年徐誤以紹興為宣和二十九年為二十八年今正之今按宋史紹興二十八年水二十九九年旱掌故宣和二十八年乃紹興二十八年之誤備志謂當作二十九年則以旱為水亦誤也三十年秋旱十月螟螣胡承謀府志作久雨劉沂春縣志作水並三十一年事三十一年年久雨傷蠶麥三十二年

六月大霖雨江東蝗飛入湖州境聲如風雨害稼民饑

斗米千錢

隆興元年八月大風水飛蝗蔽天螟害稼二年七月大水
操舟行市者累日人溺死甚眾越月積陰苦雨水患益
甚饑民疫者尤眾

乾道元年二月寒敗首種損蠶麥六月水壞圩田饑疫殍
徙者不可勝計二年正月淫雨至于四月夏寒損稼蠶

麥不登三年青蟲食穀穗八月水壞民田廬積潦至于

九月禾稼皆腐

吳興掌故集
作二年謫

四年七月久雨六年大水

秋螟爲害冬饑

栗祁府志作
乾元六年謫

七年秋大旱

淳熙二年秋旱螟三年積雨損禾麥八月連雨水害稼六
年水壞圩田七年旱饑八年七月不雨至於十一月旱

九年春大無麥八月蝗饑十年蝗害稼十一年水

劉沂春縣

志作乾道十四年春疫七月旱至於九月乃雨

高必騰縣志作

乾道十四年劉沂春縣志乾道十四年淳熙十四年復出並譌十六年五月霖雨

紹熙四年霖雨壞圩田害蠶禾蔬陸五年自去冬不雨至

於夏秋大旱既又霖雨害稼冬無麥苗饑

慶元元年九月久雨米價翔踊大疫二年大水蟲災三年

疫春夏不雨禾稼不能入土四年秋荐饑多道殣五年

六月霖雨至於八月復大疫六年冬暖無冰雪

嘉泰元年大旱荐饑二年春旱至于夏大蝗四年五月不

雨至於七月旱

開禧元年夏不雨百餘日二年四月地生毛三年夏秋久

旱大蝗羣飛蔽天豆粟皆既于蝗

震澤縣志震澤鎮志並作二年譌

嘉定元年旱大蝗疫二年夏四月旱至於七月乃雨又蝗

六年雹害稼六月雨至於七月

吳興掌故集劉沂春縣志並作開禧六年譌

七年蝗夏秋大旱八年春旱首種不入至于八月乃雨

飛蝗蔽天饑

吳興掌故集作開禧八年大旱嘉泰八年饑劉沂春縣志云嘉泰八年饑皆譌

年四月至八月大雨水灾十一年六月霖雨饑僅亡麥

苗十四年旱

吳興掌故集作開禧十四年譌

十五年七月霖雨爲灾十

六年五月霖雨水漂民廬害稼

吳興備志云開禧十六年湖州大水徐氏掌故

集作六年誤今攷掌故集明載嘉定十六年霖雨未嘗誤也其開禧六年大水一條乃嘉定六年之誤耳開禧

止三年安得有十六年董氏之誤更甚于徐矣劉
沂春縣志沈彤震澤縣志並誤作開禧十六年

寶慶三年七月大風拔木水溢大饑

紹定元年春大疫三年夏大雨四十餘日田禾蕩沒

嘉熙四年大旱蝗人相食

淳祐二年盛夏積雨大水七年旱十一年水

寶祐二年大水三年大水

開慶元年大水

景定二年霖雨水災三年二月水民多溺死八月蝗螟

咸淳三年大水六年閏十月水十年八月大霖雨

胡承謀府志有

景定十年八月安吉武康縣水卽此年事複謬

德祐元年大水

元至元二十三年大水二十四年大水饑二十五年三月大水壞田稼二十七年大水二十八年饑二十九年水元貞元年大水二年大水饑

大德元年大水二年蝗五年七月積雨泛溢大傷民田六年饑七年六月淫雨饑十年大水害稼大風太湖溢十

一年水民饑

明姜南川肱憑軾錄云元大德十一年杭

智者五六人卽菩提寺作粥夜寘大甕中明旦饑民以至先後列堂廡下或溢出門外道上相向坐虛其前以行粥用兩人舁一人執杓以注器中食已以次去始六月至八月凡七十日饑民無死者石塘胡先生長孺云往歲湖州作糜食饑人糜脫釜猶沸涌器中人急得食食已輒仆死百步間長者夜作粥貯大甕中蓋憊湖州

事也有意哉按此事與吾湖有涉且足爲後鑒故附載於此

至大元年水饑疫大作死者相枕藉四年水災

皇慶二年七月大風太湖溢

延祐三年雨田半渰五年雨田渰過半六年七年如之大饑

至治二年大水

泰定三年水

天曆元年水沒民田二年旱饑冬大雪太湖冰厚數尺

至順元年大水饑疫二年恆陰水害稼太湖溢三年大水

元統三年大水

後至元二年自春至于八月不雨大饑三年水田半渰四年
年至六年如之

至正元年大水田禾渰沒大風太湖逆湧而入民廬頃刻

倒蕩民大饑

栗胡二府志震澤縣志烏青鎮志董志范志俱作二年今攷元史順帝紀實在元年

六年水七年大水無秋八年大水十年大水十一年大
水十三年大水十五年大水十六年大水二十年饑

明洪武二年大水六年水荒七年大水八年大旱十二月
水九年大水十七年大水十八年二十年二十二年二
十七年如之三十一年水三十五年如之

永樂元年大旱蝗二年水饑三年大水四年饑七年大水

九年霖雨沒田疫十年水十一年水疫十二年水灾十三年水傷田十四年水十六年大水二十年大水二十一年如之

洪熙元年夏積雨傷稼

宣德元年春夏雨禾稼損傷五年大水九年旱饑

正統三年饑五年正月大雪二旬積丈餘夏大水秋亢旱斗米千錢大疫饑殍載道六年春夏並旱饑七年大水太湖溢七月大風無秋八年地生白毛八月大風潮田禾悉漂沒九年大水隄防衝決湮沒禾稼十一年夏連月大雨水灾地震十二年大旱蝗饑十四年大水無秋

景泰元年正月大雪二旬間有黑花凝積丈許夏復淫潦
大饑四年十一月至五年春大雪數尺壓覆民居諸港
冰結舟楫不通人畜凍死夏大水民相食六年旱大饑
七年久雨沒田禾

天順元年四五月連雨苗爛三年旱四年四五月陰雨連
縣江湖泛溢麥禾俱傷五年大水八年大水饑

成化元年久雨無秋七年水災九年四月水災十二年大
水冬大雪大寒十三年春水無麥野蚘生九月桃杏花
盛開十四年大水十五年九月地震十七年春夏不雨
七月雨有颶風八月連大雨太湖水溢平地深數丈九

月朔大風雨晝夜如注至冬無日不雨禾稼僅存者悉漂沒明年大饑人相食二十年水大饑二十二年大水
○治元年饑四年水旱迭作五年夏秋水饑七年大水八年饑十六年旱饑每夜妖魔橫發麗人舉境以內驚駭
徹曉十八年地震生白毛

正德三年大旱四年大水民疫五年大水民疫地震生白毛米價石二兩七年三月地震有聲八年四月連日大風雨洪水泛溢十二月大雪丈許溪河凍冰厚尺餘九年蝗不害稼十二年大雨殺麥禾大水十三年六月大雨水渰田十四年秋大水突出平地數尺田禾盡渰

嘉靖元年水災二年大水歲三至三年大水四年大水八年夏蝗秋螟十三年水災十五年水災十六年水災十

九年蝗飛蔽天傷稼大半二十三年大水

朱國禎救荒略作久雨與

潯溪文獻同胡承謀府志烏青鎮志震澤縣志及董志皆作大旱譌

二十四年旱太湖水

涸人食草根木皮大疫二十七年十二月雷電二十八

年大水三十二年旱三十三年地生毛十月倭賊入嘉

興載輜重百餘船北抵王江涇出南潯掠阜林烏鎮等

市三十四年正月倭復至海鹽轉掠雙林出南潯湖兵

熟于水戰邀擊頻勝賊棄輜重二十餘舟五月二十八

日辛酉倭寇三百餘自南潯至松江之葉謝總兵湯克

寬同知都文奎逆擊于黃浦大勝之渡浦來援者皆溺
死是年忽晝暝每數日並出日光亦搖蕩不定十月天
雨赤豆三十五年倭警鎮民驚竄烏程知縣張冕督兵
千餘逐捕過鎮以軍法從事攝大戶斷溪東流三十六
年有妖人馬祖師者流寓烏鎮以白包巾幻術惑眾官
司以兵捕之馬妖樹青白二旗放火肆掠官兵追及於
南潯雙林間眾皆殲獨馬妖逸去徧蹤跡之不能得范志
引瑣錄作萬曆三十
十六年九月事
年四月地震屋廬搖動如帆河水撞激魚皆躍起十二
月雷電四十年正月雪雷閏五月至十月霖雨不息禾

沈水底大饑四十一年大水四十三年十一月二次大
雷四十四年六月地震四十五年馬道人爲妖遠近大
閩各戶多懸籬籬籬籬四字以厭之三四月方息

隆慶元年訛言朝廷選宮女于三吳間旬日民間婚嫁殆
盡二年元旦大風揚沙走石白晝晦冥大旱三年五月
大風雨田禾渰沒秋亢旱大荒四年水災六年夏雷雹
萬曆三年春旱五年六月連雨寒如冬六年螟害稼冬雨
木冰大水七年大水渰禾冬至前一日大雷虹見

明董份與郡伯及泉李公晝份昨因民間洶洶出而
觀之見水皆滔天圩皆如沼而室家倒塌遠近呼號

份望水則魂搖間號則心碎不知天之降災何至是極也今稍淫者已蕩沒矣惟高者尚在救護然其間不過十之一二耳而天倘不雨則人力猶有可施今雨勢不但不止且時復傾盆恐不沒不已也將如之何聞公以惻隱之心懷焦勞之志日來爲民祈禱無所不至矣今所恃者惟有公至誠回天若稍得雨止或可救此十之一二否則一望皆湮矣乞公身率各屬檄下各縣大行停禁咸極焦勞真有爲民請罪于皇天之意庶幾天或稍回民可稍活則萬民仰戴而亦公憫民窮恤民隱之至情也昨嘉禾流民聚眾攘

動閩郡驚惶而我湖獨賴公撫綏有素坐鎮有方是以鄰壤如沸湯而湖中獨如安堵人實陰受其賜而不知其由也故份獨闔門感之逢人卽誦非以爲諂亦自謂獨知其所由耳然舊歲我湖雖未可爲豐穰亦未盡爲荒歉是以民不敢動法猶可行今田旣皆渰人將無賴矣頃聞自平望至苕城百里之間沿途多搶行舟將絕恐攘奪之端一啟而變亂之漸將生機已動于目前非細故也今所恃者全仗我公夫此時非爲處常實乃禦變夫禦變之道必先結之以恩而後重之以法所謂恩者公有焦勞祈禱竭誠之意

民旣知感矣而必當預爲多方賑濟之圖民知將有賑濟則庶以少安其心民知急圖賑濟則尤以感動其心民之恃公眞如赤子之恃乳母豈有赤子而忍悖乳母者乎如此則公之恩結矣而後以法制之昔在周禮治亂國則用重典而孔明以嚴治蜀實倣此意夫周家仁厚豈欲其用重典哉而三國當戰爭之時姑息不暇孔明豈欲其用嚴哉蓋亂國而待以仁厚則民無忌憚而其亂益滋戰爭之時而待以姑息則軍無統紀而戰爭必敗此聖王之法而賢者之妙用也今當此時雖未爲亂而其機已萌矣其漸已見

矣若一人不治則百人效尤一處得利則百處染指
此必須大爲出榜重爲禁戢而訪其甚者擇其渠魁
轉申部使者示以嚴禁處以重辟彼見法令如此自
不敢犯矣夫恩以結之而民有所依法以制之而民
有所畏聖人所謂安民者計無出此伏惟高明察焉

萬曆

八年大水饑

孝豐縣志云旱大饑蓋山鄉仍旱也

村墅間薄暮覺五里

外洶洶人聲如捕賊者稍冥益近而厲如數千人水戰
狀大呼擊撞火光四合燄在樹端震動天地夜半方熄
九年大水十年七月大風雨太湖泛溢十一年旱十二
年正月地震冬無雪十三年大水十四年大水十五年

元旦雨雪浹旬不止雨木冰秋大風雨拔木太湖溢平

地水深丈餘十月米價七錢一石次年貴至一兩七錢

饑疫死者棄尸滿道河水皆腥十六年蝗旱疫

蘇州府志作隆

慶十六年譌李樂見聞雜記云吾鄉萬厯十六年荒甚有一郡伯令窮民至富家食粥百十成羣幾致大亂又下令頓米之家止許賣一兩一石米愈不出價日益高畢竟到一兩六錢一石纔佳又漣川沈氏農書云湖州水鄉每多水患而淪沒無收止萬厯十六年三十七年十六年崇禎十三年疑十六年爲十五年之譌

連歲大旱震澤爲平陸大疫饑殍載道夏雪十八年旱

十九年大水二十一年冬不雨二十二年元旦雷雨二

十三年大雪平地丈許二十四年五月至七月不雨七

月十一日將夕河水忽涌起二尺餘少選復平如此者

三八月驟雨狂風數日夜不息大水冬大雪寒溪湖冰
凍舟楫不通二十五年正月雷電二月黑雨黃沙二十
六年冬雷二十七年五月怪風拔木二十八年九月地
震二十九年霪雨傷麥六月寒氣逼人至七月始熱八
九月仍熱如故里無不病之家無不病之人江湖溢
秋禾不能栽種三十二年疫十月地震三十三年旱烏
鎮志作三十四年三十六年夏霪雨湖水泛溢大饑

一明朱國禎戊申年救荒略萬曆年來稱水荒者無過
十五年次年米貴至一兩七錢餓疫死者無慮數十
萬棄尸滿道河水皆腥其禍最慘今比十五年不止

水勢增高數尺而已大端最可駭最難救者有三十五年水發在四月中旬圩田存沒約相半五月中旬天晴水漸消已沒者亦重救三分之二買苗種田甚至偷苗搶打告狀只是費力多用本重今者盡數淹沒水至五月中尚未退田中無一顆新苗卽欲下秧再種何處可下且立秋已近下亦無用小民旣無田作豈肯束手待斃游棍煽動亂搶相殺其大不同者一十五年只烏程歸安吳江水渰至多水發源高處安吉武康易湓尤易消鄰近最高如嘉秀嘉善崇德桐鄉原未嘗沒記得是年十月米價止七錢一石次

年外江米絡繹而下並無攔阻然猶其貴如此今最高者俱沒俱不可再種目下卽糶八九錢零星者一錢一斗人心皇惑市棍攔阻米船索詐搶奪其大不同者二水漲雨淋小民所恃惟在圩岸岸上復加浮土堵拒奈上雨盆注下水驟擁忽然奔潰立地平沈民房盡在水內所存之米斗斛甕甌猶卽搬移自數石以上皆結團安頓水圍國外頃刻便透見存者先損強半又村落人家有甚堅牢房子淋漓倒塌景象可知有船者船居無船者或于僻遠處俟小船經過推其人及行李于淺處駕船而去紛紛搬入城市無

可搬者十室而九此其大不同者王十七日便舟看
塘棲新墓阻橋不得出遇熊壇石使君易小艇陪上
西湖復換舟至塘棲則前舟已自橋左偏浮出取道
崇德石門歸傳者謂平望水急不可上復至五林自
德清郡城歸南潯三百五十里間不沒者止石門一
圩昇山一圩及敝鎮九里橋一圩止耳此廿二日事
次日水漲七八寸九里橋一圩卽夕沒昇山繼之石
門當亦可知以耳目經見高岸在水心水面只草尾
一望連天驛路大橋彎如新月總之處處霪雨夾以
山泉湖海俱溢擁以東風不能卽洩立秋甚近農望

絕矣某自信勘水最真無過不佞某農家子也水灾
如此題請在撫按覆允在司農講求賑濟在良有司
更在專遣主持匡正在政府意外攘亂在朝廷威德
卽百姓盡數溝壑亦自家大運灾劫如此區區私憂
焉能有無但今且未憂錢糧決無措辦未憂小民決
然饑饉嘯聚餒死兵死姑以最小一事言之傳曰雖
有饑饉必有豐年上之勤劬而救下之忍死待救謂
來年再可播種也種田而舍穀種可乎湖州田三萬
頃每畝穀種四升該穀十二萬石從何處來從何處
出舊穀又不可用若非曠然將漕白糧盡折又大蠲

大賑則官府鞭敲吏書漁獵奸民吞噬亂民挺突貧者貧富者亦貧餓者死不餓者亦死天下事未知所終也先儒曰仁人心也心如穀種願當道君子先護此穀種若曰田有高有低有山鄉有水鄉水有漲有消圩不必盡沒苗不必盡死民間蓋藏可支富戶可借米不可盡蠲申報者多虛恢譚論者太激切自古皆有荒年何獨今歲如此膜外有膜隔處生隔此則大人君子識見高卓明見萬里不張皇不搖動處某生也鄙止據耳目所及雪涕而書何足以知之予假品水史氏述

又荒政議上甘中丞

節錄

吳興古稱澤國天目諸山之

水衝激如射弩而具區爲尾閭乘風橫溢時抱不測之憂嘉靖廿三年四十年以久雨萬^曆十五年以湖嘯最號凶歲未有如今日之甚者也四月初十以後無日不雨麥已無秋及至芒種貧民貸本插秧而淫潦異常經旬不止山水驟漲東北風乘之捲浪翻空湖流內齧高田水深數尺低鄉幾至丈餘沈竈產蛙牆傾屋倒百姓扶老攜幼遷徙無家由安吉長興抵歸烏七邑盡成巨壑自端陽至小暑新苗浸久糜爛幸今水退業已無望況未退乎卽使有秧尚難再蒔

況絕根乎野無突煙道多聚哭誠二百年未有之灾
也不佞目擊時變近懷枌榆之憂上切根本之慮仰
賴大父母仁心爲質情切痼瘵敢攄一得稍佐末議
倘不以葑菲見遺俯賜採擇地方幸甚○一議蠲賑
救荒之法常恐後時良由踏勘稽緩文移往返遷延
旬月有匿不得報卽報不以實者亦有申請再三當
道不遽以聞度支不卽曲處者謂太倉告匱邊餉急
如燃眉何暇議蠲議賑又有謂聖意難回上請無益
不知國家仰給東南嘉湖杭首稱外府民旣無聊必
至逃徙逃徙不已去而盜賊盜賊不已追捕計窮千

百成羣揭竿嘯呼淮北燕南連年荒歉極矣人心思
亂紛紜剽劫若江南一動土崩之勢必成異日軍興
調遣較目前補助難易多寡恆人能辦今日請蠲請
賑本一念血誠破常調行之方能感格明主聳動羣
公所謂求牧與芻而不得必非從容談笑可以尋常
塞責者也○一禁攘奪富家平時以子母十五之利
橫索貧民叢怨旣深一遇凶荒唯有封固邀厚價乘
時射利難以休戚一體之義戶曉而地方奸棍假饑
民爲名鬨然而起曩者借貸不允尋至攘奪今不待
借貸矣飛舟執械放銃鳴鑼白晝橫行各村聚劫稍

有積儲之家挈子女輕裝入城而村落墟矣夫大家者一方元氣也元氣日索單戶誰倚此大亂之漸必不可貸者也官府重念民饑稍爲姑息紀綱一弛盜竊公行馴至干戈貽害更甚此孟子所謂罔民者耳善救荒者拊循饑民不爲奸民所乘禁約奸民不爲富民射利者所乘操縱寬猛間不容髮○一議設處近年倉廩空虛上下無措平糶則積而不出閉糶則遏而不入不得已勸借無論怨聲易起變故橫生富民之粟亦有時而盡不若訪于豐熟去處擇富戶當鋪之老成有才識者加以禮貌給以院道明文每名

量給數百金不論米麥豆穀速令各處收糴仍知會
南京操院蘇松淮揚軍門移文各屬有米處毋得刁
勒畱難彼此通融護送出境米戶旣無關津之權且
有子母之利公糴外各有私齎規利者驚走聞風者
蟻附米聚而價自平矣至于錢糧難措非望之恩不
可幾倖或各處罰贖或各年積羨可以曲處或徒杖
以下罰米可以權宜或不急錢糧可以停征緩征或
南北白糧可以改折或應省解戶可以納米代役設
誠而行多方以求何患不濟○一興工作賑濟之苦
有四開報虞欺漏興發虞刁勒侵冒叢聚虞疫癘唯

鳩工修築爲賑濟良法卽以長興言之邑東如白鳥
區邑西如官莊垞雁蕩東北如包洋湖畔石家垞最
低埂旣卑薄水易平漫常年預行修葺臨患不至東
手今若加築垞岸便可分賑饑民如一垞中多至千
畝少數百畝就四圍塹濠取土量水淺深爲堤高下
趾三倍以漸而高三殺之中每百畝復圍一小埂高
廣如外堤十四大小塹濠可蓄內水菱茨藕可藉完
糧堤畔樹桑計田量分可爲世業桑利汗泥歲增高
厚瘠產化作膏壤價亦倍踊量其增價幾何預捐十
七易米興工百畝以上爲田正每築土一方包價若

干課其勤情給發力不能出米者官爲處給計丈尺
論工發米委一公正里老互相糾舉良牧時親督察
不勸借而樂輸不開報而趨赴諸弊盡革永利漸興
大戶肯廣收圩田出米修築或挑築桑地官量時價
給與印帖小民不得豐年取贖較之抵借息重產歸
大戶者利害徑庭若長吏任事于上富室隨力修創
興利默寓賑饑治田兼可弭盜其他殘疾衰老不妨
於各寺院煮粥分賑但得可託之人與尋常設局虛
應故事者不同○一議旌別非常之灾必才誠兩合
之士竭力擔當苦心幹旋方濟萬一雖然文法不寬

豪傑多至掣肘名實不核巧壬多易亂眞鄧使君廉吏也以停征至經歲罰俸長興饑民迄今流涕曰戊巳而後微鄧父我輩不生矣當事者弗善也偃蹇一民部以老蓋仔肩與巧飾異軌獨行與脂韋殊調嫌疑起于相軋謗忌生于任眞古之循良易今之循良難世趨然也下至村叟稍欲自豎訾詬頓生瑣屑畧有興除羣咻橫集上下以虛文相蒙中材以嫌怨畏縮信賞罰于不測核名實于匹夫匹婦之口令任事者畢志窮閭則良牧出荒政自舉矣

萬曆三十七年冬無雪三十九年黃梅無雨仍有秋四十

年未蟄先雷四十一年三月大風冰雪四十二年旱四十四年十二月天鼓鳴四十六年正月黑虬十月雷電四十八年正月大雷二月連雨夏旱石米一兩五錢饑泰昌元年十月大雷電

天啟元年大雪三年十二月地大震生白毛四年正月黑雨四月雨傷蠶麥五月梅雨浹旬秧苗盡沒七月後大雨三日再插再渰一歲兩荒

明大學士朱國禎江南水患異常舊守荒政可紀疏
節錄本月廿一日接得家報謂五月廿四日以前江南大雨連旬水勢驟湧比戊申年高且數尺驚而歎曰

國家困匱極矣畿以南連及山東淮揚或水或旱皆見告矣僅賴江南有秋可資外庫今又極災將何以支因思戊申年臣方在家一望陸沈田禾盡沒爲二百年未有之變幸今南京光祿寺少卿陳幼學爲太守今戶部尚書李長庚爲分守相與流涕奔走晉諸父老策之臣亦忝與末議其言曰以一人救則難合衆人則易以一府一縣救則偏合衆州縣則全以江南救則小合淮之南北晉而江楚則大就中又有緩急先其急者一禁搶奪以定民心定之不妨用重典也一停勸借以安巨室安之正以收實用也二令並

頽洶洶頓息於是議及緩者一通米之源田無顆粒
矣何以通之則悉召富商大賈與宦宅民家稍有力
者諭以戊子水荒次年米價至一兩八錢餓死百萬
河水腥不可汲今且災更甚酷亦必甚汝輩宜販糴
江淮多多益善既可救飢又可得利利且數倍而先
期言之撫按移書漕運江西湖廣三撫臣三按臣及
郡邑長吏之衝要者告以恤鄰義之大閉糴惡之尤
又言之操江都御史遊奕千里迎送商舟攔阻者卽
行捆打一時諸臣莫不響應而販者仍給路符往返
再四聽其久用船入京口隨其所之民無不踴躍願

從臣記得秋月泊舟平望米船連帆而至尾相接也
飢民欣欣相告曰米多如此豈愁餓死至冬價僅一
兩次年正月加僅一錢二月後漸減至八錢眼不見
餓夫道不卧丐子農皆謳歌力業耕其故土此通米
之說也一開銀之源人各自私何以開之悉召質庫
不分主客告以大災不派汝銀亦不煩汝他費有事
倍加照拂但米到卽質質直以十之八九爲率如米
價百兩質八十五金復糴漸質漸減減不廢糴大約
百金可得三百金之米在質者本利遞增聞風競起
在糴者質之利寡糴之利多計期取息百不失一臣

畧記蘇湖二府積米可三百餘萬石程氏一鋪至二十四萬石此開銀之說也其間節省伸縮二臣備極苦心又殿以勸借一策是時所糴旣多獲利不少感上官體恤之恩發自己惻隱之念一檄纔張萬眾歡赴民命旣全國課不損雖荒不荒此皆二臣與浙直撫按之力而臣得之目擊私相詫以爲自來救荒未有如此盡善盡美則其規模宏遠條理精密識之早而圖之豫也今災仍此災勢更劇地仍此地人更窮刁頑更甚豆麥蠶絲先皆兩敗又當長興毘陵變故之後驚魂未定不逞尤多雖舊法未可盡泥要妙用

志十九
即在前規神明曲豈是在地方諸臣一加之意不日
撫按疏至破格蠲賑事在該部臣生其地值其時既
知確信先以入告非爲家鄉也爲江南也非爲江南
也數百萬錢糧產此數千萬貨殖萃此爲國家根本
計也伏乞敕下戶部覆議施行

又爲東南請命以弭禍亂疏臣拜疏求去蒙皇上懇
留於先允放於後草疏陳謝方期少效靖獻以畢生
平報主之槩隨于暇時閱浙江巡撫王洽應天巡撫
周起元再請改折語意酸楚蓋二臣身在事中故言
之真切至此夫倉庾空竭人皆知之誰非臣子不顧

朝廷之急顯爲小民性命計爲有司催徵計發此言
哉蓋其荒爲異常之荒苟無以處之則其勢爲必亂
之勢何則朝廷所徵者銀耳米耳銀猶可發藏轉貸
以應公家之求米則一歲之收不足供一歲之用反
取給於外江故荒政有折有蠲有賑大荒兼行中荒
用二小荒只止於折今漕米之折不過用小荒之策
且五錢舊額加至六錢或六錢五分而所折之數又
減之爲三分之一夫百姓喁喁期望全折其貧者方
引領盡蠲曰聖天子深念民窮咀盡且如萬曆十六
年大發帑金以賑矣今賑不敢言蠲不可望而區區

折之一字又靳而不與且許而復奪地方官何辭以見百姓而百姓哀號震動勢必就死其又何所不至哉且折之盈縮短長臣固已苦口言之矣近年漕運之遲皆繇船政之壞若得全折回空之船秋冬之交必已大備復冬月開兌之期銀折一半實止半年此事之確確可據而眾不謂然也在京各衙門冗支甚多悉行查革歲可省米十五六萬京營軍月糧十分折一歲可省米三十萬此亦事理確確可行而眾未見舉也其應支者或折半或全折歲可省米十餘萬惟狃江南富饒之說而曰敢不如額要有司何用誰

敢稱亂在國法不容其然豈其然乎臣去國之人與父老同死亦不足恤獨謂財賦根本之地事勢皇迫之秋因米而竟至失米因漕而返至虧漕則臣所不敢言亦不忍言者近者應天之疏已得嚴旨該部必與處分其浙江之疏臣方杜門未知作何發落據臣草莽之見莫若皇上自需德音再折五十萬石使浙直依額均分以慰百姓之望以寬地方諸臣之憂仍敕所司在京師曲議查折補此缺數則民情不至駭動國儲尚可支吾而臣歸家後區區愛國憂民之心亦得藉以少補其萬一也

天啟五年大旱

董斯張乙丑秋熱苦旱作俳諧體廿五韻淫霖方昨
嘆旱魃復今謠矯枉何其過含生忍再凋庭榴看葉
卷池藻畏莖樵毒熱雄銷骨繁憂坐達宵僧嫌茶施
盡僕苦浴薪饒炙手嗟無避層冰想竟遙桔槔聲漸
燥盆盎泮如漱舊井皆逢漏沿林祇給樵鳩喉全塞
兒蟻穴懶遷喬俗傳蟻遷穴則有雨出市霞無信諺云朝霞彎
弓月可描語日月似彎弓少雨多風星非名士聚雨似大夫招淺
港乾菱蔓蔬園卧豆苗稻泥龜兆坼桑蔭火雲燒禱
社驅巫覡迎神列鼓簫楊枝童子首里中禱雨諸童子以柳枝蟠首

二步
一拜

角帶縣官腰

聞令公日素服禱雨

禁殺偷懸秤開渠擬買

鋤未容愁蚌脯直慮起蝗妖城閉難呼鑰溪行不要

橋曲占魚骨喜

俗傳魚骨曲則有雨

尖怕燭花搖

俗傳燈花尖則天晴

米

價踊中踊民腴消更消斷炊鄰姬瘠過糴富兒驕枵

腹誰能忍探丸恐或挑汙邪求半活震震望崇朝比

者租庸急空思惠澤邀傳聞珠足探

水涸甚數十里間多刮蚌者往

往得

珠 吾欲緯江蕭

天啟六年蝗灾七月朔大風拔木淫雨如注屋廬俱壞雨

晝夜方息七年正月震電雨雪五月晝夜淫雨四境平

沈秧苗盡沒六月水平復種至七月雨復如初種者又

沒一歲兩荒秋大風拔木太湖水溢

崇禎元年水七月大風拔木二年四月地震閏四月又震
十二月又震歲大禊四年大水五年自八月至十月七
旬不雨饑六年二月雨雹六月龍風折屋拔木水饑七
年三月地震四月大雨雹八年大水秋蝨九年大旱酷
熱十年大饑訛傳太湖賊寇從北柵掩殺而至鎮民奔
竄幾空十一年旱蝗十二年夏恆雨十三年五月大雨
七晝夜水溢渰禾米價騰踊每石價一兩六錢十四年
春大雪六月旱蝗霧繼之禾盡萎癘疫盛作米價石四
兩十五年大水饑人相食盜賊蜂起大疫十六年大旱

饑人和食十七年春大疫民嘔血縷卽死地震生白毛
民間有地動白毛生老小一齊行之諺